

Määrj piâr

Määrj lij 6-âkksaž nijdd. Su'st lij 3-âkksaž vii'ljâž, ħeän nõmm lij A'ntt da 17-âkksaž vuä'bb, suu nõmm lij Sandra. Määrj piârja ko'llje jeä'nn U'lljan da e'čč Jounn. Määrj jie'nnest U'ljnest lie vue'bb Aill da Näskk. Aill lij U'ljnest puä'rrsab vuäbb, son lij Määrj kuäskĳ. Näskk lij U'ljnest nuōrab vuäbb, son lij Määrj mue'dd. U'ljnest, Aailst da Nääskäst lij še vi'llj, ħeän nõmm lij I'llep. Son lij Määrj jāän. U'ljan, Aill, Näskk da I'llep lie vue'bbež, see'st lie seä'mma puärraz. Sij jie'nn nõmm lij Ä'nn da ee'jj nõmm lij Saammâl. Ä'nn lij Määrj äkk da Saammâl ös Määrj ä'jj.

Aill-kuä'sĳĳ lij näittlōōttâm, su'st lij kää'lles, koon nõmm lij Å'll. Son lij Määrj maakkä'jj. Näskk-muâ'dast še lij kää'lles, son lij Evvan da son lij Määrja maakk. I'llep-jä'nnjest lij Nättli-nōmmsaž kaavsōs koin son jârdd näittlōōttâd. Nättljest šadd te'l Määrj e'mm. Nättli lij tääl I'llep puärrsid ma'ņņsōs da I'llep lij Nättle puärrsid vivvsōs. Aill-kuäskast da Å'll-makkä'jjast jie lea'kku päärna. Näskk-muâdast da Evvan-maaggast lij õhtt nijdd, koon nõmm lij Milja. Son lij Määrj vuä'rnnbie'll. I'llep-jänn'jest da Nättli e'mmsōōzzast lij Miklai-nōmmsaž ä'lĳĳ di son lij Määrj vi'lljbie'll.

Määrj ee'jjest Joounast lij vuä'bb, suu nõmm lij Pääläg. Pääläg-sie'ss ij leäku näittlōōttam ij-ga su'st leäku vuōddam. Jounn-ee'jjest da Pääläg sie'zzest lij puär'sab vi'ljj, koon nõmm lij Si'rĳĳi. Määrj káčč suu jie'ĳĳen. Jounn-ee'jjest, Pääläg-sie'zzest da Si'rĳĳi-jie'jjest lij tōn lâä'ssen še nuōrab villj da suu nõmm lij Johan-A'ntt. Son lij Määrj ċie'cc.

Si'rĳĳi-jie'jjest da Johan-A'ntt-ċie'zzest lij kuhttuin Sunna-nōmmsaz kaav. Kuhttu Sunna lie Määrj ee'mm. Sunna jie leäku kōskneez ruâđ, le'sa ko suäna lie siämma nōmmsa de suäna lie kōskneez kääi'maž.

Si'rĳĳi-jie'jjest da Sunna-ee'mmest lie kuõhtt niōđ di suäna lie Määrj vuä'rnnbeäl. Niōđi nõōm lie E'll da Täärj. Johan-A'ntt-ċie'zzest da nuu'bbest Sunna-ee'mmest lie kuõhtt äälj, suänä lie Määrj vi'lljbeäl. Äälj lie šōddam seämma peei'v di nu't suäna lie juu'miĳ. Juu'miĳi nõōm lie Johan da A'ntt, suänä kuhttu lie ee'jjes kääim.

Jounn, Pääläg, Si'rĳĳi da Johan-A'ntt lie puk vue'bbež, gu see'st lie seämma puärraz. Sij jie'nn nõmm lij Sandra da Ee'jj nõmm lij Ko'stten. Sandra lij Määrj äkk da Ko'stten lij Määrj ä'jj.

Maainäs: Heli Aikio, Nuōrttsää'mas šiōttōōllam Raija Lehtola

Sagstōōllmōš:

- Mii lij Määrj vue'bb nõmm?
- Mii Miklai lij Määrja?
- ĳii lij Määrj vuä'rnnbie'll?
- Lij-a Si'rĳĳi Jounn-ee'jj nuōrab avi puärrsab villj?
- Lij-a Näskk U'lljan-jienn nuōrab avi puärrsab vuäbb?
- ĳii lij Määrj jāän?
- ĳeän e'čč lij Ko'stten?
- ĳeän jeä'nn lij Ä'nn?